

**Caulis** suffrutescens, erectus, debilis, bi-vel tripedalis, fuperne pubescens, ramulos sæpius ternos emittens.

**Folia** oblongo-ovata, sessilia, acuta, parva, terna, patentia; supra plana, viridia, glabra; versus marginem pilis raris ciliata; subtus margine reflexa, albida.

**Flores** in racemo longo terminali dispositi, terni-verticillati, interdum ad unum latus flexi, nutantes, purpureo-cærulei.

**Pedunculi** breves, teretes, pubescentes, sub calyce uno alterove foliolo notati.

**Bractææ** sub singulo pedunculo ex asse foliis similes.

**CAL.** tetraphyllus: foliolis ovato-lanceolatis, acutis, corollæ  $\frac{1}{2}$  partem attingentibus, versus apicem supra ciliatis, subtus margine inflexo, uti in foliis.

**COR.** monopetala, magna basi ovato-inflata, versus apicem contracta, tubulosa, ore quadridentato, obliquo; denticulis brevissimis: inferiori minimo; marcescens.

**STAM.** *Filamenta* octo, subulata, corolla paulo minora. *Antheræ* oblongæ.

**PIST.** *Germen* oblongum, obtusum, subangulatum. *Stylus* filiformis, corolla paulo longior. *Stigma* obtusum, simplex.

**PER.** *Capsula* oblonga, angulato-rugosa, octo-fulcata, quadrivalvis, quadrilocularis.

**SEM.** minima, plurima.

Folia sæpius in verticillos obliquos distributa, h. e. ad unum & alterum latus magis flexa. Margo eorum crassus & angulatus est, superiori angulo ciliato.